

**Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq**

**Kapitali 1**

*Nassuaatit atuuuffiilu*

**§ 1.** Suliffeqarnermi innersuussisarneq paasineqassaaq suliffeqarnermi ineriarneq siuarsarniarlugu nuna tamakkerlugu, illuinnaasiunngitsumik akeqanngitsumillu sullissinertut, taamatuttaaq sulisartut suliamut tunngatillugu nukittorsarneqarnissaat nunamilu nuttarsinnaanerat ilanngullugit.

*Imm. 2.* Suliffissamik innersuussisarneq paasineqassaaq suliffissarsiortup sulisitsisillu akor-nanni suliffeqarnermi pissutsit aalajangersimasut pilersinnejarnissaat siunertaralugu attaveqaqatigiissitsinertut.

*Imm. 3.* Suliffeqarnermi innersuussisarfiup suliassaraa inuussutissarsiutinit atorfinnillu assi-giinngitsunit tamanit suliffissarsiortunut suliffisanik innersuussisarneq aamma sulisitsisinut sulisussanik innersuussisarneq. Taamatuttaaq suliffeqarnermi innersuussisarfiup ilinniagaqarnermut tunngasuni qinnuteqartunik siunnersuineq allaffissornikkullu aqtsineq suliassarai.

*Imm. 4.* Inatsit sulinermut Kalaallit Nunaanni suliarineqartumut atuuppoq, tassunga ilanngullugit suliffissarsiortut Kalaallit Nunaanni suliffissarsiortut killilersimaarneqarnissaat pillugu Inatsisartut inatsisaat naapertorlugu nunatsinni sulisartutut isigineqartut.

*Kommunalbestyrelsip suliassai*

**§ 2.** Kommunalbestyrelsip suleqataalluni suliffeqarnermut tunngasutigut ingerlatsinerminnut ilanngullugu

- 1) Kommunimi suliffeqarnermi ineriarneq malinnaavigissavaa,
- 2) Kommunimi iliuusissanik inuussutissarsiorterup ineriarortinneqarneranut suliffissaqartitsinermullu pingaarutilinnik aallartitsisarnissamut tunngavissat pilersissavai suliniutigisassallugillu, kiisalu
- 3) Kommunimi suliffeqarneq pillugu paasissutissat katersussavai nalilorsorlugillu, paasissutissallu tamakku Naalakkersuisunut nalunaarutigisassallugit.

*Imm. 2. Imm. 1, nr. 3 naapertorlugu Naalakkersuisut nalunaarutiginnitarneq pillugu erseqqinnerusunik malittarisassanik aalajangersaasinnaapput.*

**§ 3.** Kommunalbestyrelsi pisussaavoq kommunimi suliffeqarnermi innersuussisarfissaqartitsissalluni, taamatuttaaq suliffisanik innersuussisarnermik aamma ilinniartitaanernut inuussutissarsiutinullu ilitsersuuisarnernik aaqqissuussissalluni, §§ 5 - 9 takukkit.

*Imm. 2.* Kommunalbestyrelsip kommunimi suliffissaqartitsineq pillugu kisitsisitigut paasissutissat Naalakkersuisunut nalunaarutigisassavai.

*Imm. 3.* Naalakkersuisut communalbestyrelsip kisitsisitigut paasissutissanik il.il. nalunaaruteqartarnera pillugu malittarisassanik aalajangersaasinnaapput.

**§ 4.** Kommunalbestyrelsip sulissutigissavaa kommunimi suliffeqarnermi illuatungeriit pisortallu ingerlatsiviisa akornanni tatigeqatigiiffiusumik qanittumillu suleqatigiinnermik pilersitsisoqarnissa, taamaalilluni sulisartut ineriertortinneqarnerannut suliniuteqarnissamut tunngavissaqalissammatt, siunissami qaninnermi ungasinnerusumilu inuussutissarsiorutut pisariaqartitaannut kommunimilu inuussutissarsiutit ineriertortinneqarnerannut periarfissanut tulluussakkani.

*Imm. 2.* Kommunalbestyrelsi kommunimi sulisartut piginnaasaasa nukitorsarneqarnissaannut suliffissaqartitsinermut tunngatillugu iliuusissanik aallartitsinissamut siunnersuusiussaaq.

*Imm. 3.* Kommunalbestyrelsi suliffissaqartitsinermut tunngatillugu aamma/ imaluunniit ilinniartitaanermut tunngatillugu immikkut neqeroorutinik inuusuttunut 30-t ataallugit ukiulinnut sammisitanik aallartitsissaaq.

*Inuussutissarsiutinut ilinniartitaanernullu ilitsersuisarneq kiisalu suliffissanik innersuussisarneq*

**§ 5.** Kommunalbestyrelsi suliffissarsiortunut inunnulu piginnaangorsaanerup ingerlaneranut imaluunniit Piareersarfinni suliniutinut peqataasunut ataasiakkaanut iliuusissanut pilersaarusiussaaq.

*Imm. 2.* Inuussutissarsiutinut ilinniartitaanernullu ilitsersuinermut ilaapput inuussutissarsiummik ilinniartitaanermillu toqqaaniarnermi ikorsiinerit.

*Imm. 3.* Kommunalbestyrelsi Inatsisartut inatsisaat manna malillugu kommunalbestyrelsip suliassaasa allaffissornikkut aqunneqarnerannut Piareersarfinnik pilersitsisinnaavoq.

*Imm. 4.* Kommunalbestyrelsi inuussutissarsiutinut ilinniartitaanernullu ilitsersuinermut kiisalu suliffisanut innersuussisarnerup inernera pillugu Naalakkersuisunut nalunaaruteqarnissamut pisissaaffeqarpoq.

*Imm. 5.* Naalakkersuisut pissutsit imm. 2-4-mi taaneqartut piviusunngortinneqarnissaannut malittarisassanik aalajangersaasinnaapput, taamatuttaaq Piareersarfiiit pilersinneqarnerannut ingerlanneqarnerannullu tapiissuteqartarneq pillugu malittarisassaliorsinnaallutik.

**§ 6.** Suliffissamik innersuussisoqartinnagu akissarsiat aamma sulinermi atorfinitaanaermilu atugassarititaasut allat pillugit paasissutissat pissarsiarineqassapput.

**§ 7.** Suliffissanik ataavartuusunik innersuussineq, suliffissarsiortup najukkaminit nuuttariaqarneranik nassataqartitsisoq pisinnaavoq

1) nuunneq suliffeqarnermi najukkami suliamullu tunngatillugu pisariaqartitanik naliliineq

aallaavigalugu kissaatigineqartutut isigineqarpat,

2) suliffissarsiortoq akuersippat,

3) innersunneqartoq angallanneqarnermut pisattanillu nuussinermut

aninggaasartutissinnejassangippat,

4) najugarisami naammattunik piginnaanilinnik sulisussaqanngippat, aamma

5) innersunneqartoq inissaqartinneqassappat.

*Imm. 2.* Sulisartup najugaqarfigiuagaanit qimagulluni ukiup ilaatigut sulinermut imaluunniit piffissami killeqartumi sulinermut innersuussineq pisinnaavoq:

1) nuunneq suliffeqarnermi najukkami suliamullu tunngatillugu pisariaqartitanik naliliineq

aallaavigalugu kissaatigineqartutut isigineqarpat,

2) suliffissarsiortoq akuersippat,

3) innersunneqartoq angallanneqarnermut pisattanillu nuussinermut

aninaasartutissinneqassanngippat, aamma

4) najugarisami naammattunik piginnaanilinnik sulisussaqanngippat.

*Imm. 3.* Naalakkersuisut aninaasartuutit imm. 1, nr. 3-mi aamma imm. 2, nr. -mi taaneqartut matussutissaannut tapiissuteqarsinnaapput. Naalakkersuisut tamakku pillugit malittarisassanik erseqqinnerusunik aalajangersaasinnaapput.

**§ 8.** Sulisussanik sulisitsisumut imaluunniit suliffeqarfimmut innersuussisoqarsinnaangilaq sulisartut kattuffiannit soqutigisaqaqtigiiffimmilluunnit allamit uppernarsaatit sukumiisut malillugit sulisartut suliumajunnaarneranni imaluunniit sulisitsisut mattussineranni eqqugaasumut, tamanna isumaqatigiaissutinut akerliusutut nalilerneqarsimanngippat.

**§ 9.** Atorfimmut inuttaqanngitsumut sulisussamik naleqquttumik innersuussisoqarsinnaagaa-ngat tamanna pillugu kommunalbestyrelsi sulisitsisumut nalunaaruteqartassaaq.

*Imm. 2.* Sulilernissaagaluaq piviusunngunngitsoorpat sulilernerluunniit aallartikkaluuannaq taamaatitinneqarpat sulisitsisoq pisussaavoq tamanna pillugu kommunalbestyrelsimum piaartumik nalunaaruteqassalluni taamatullu tamatumunnga pissutaasoq nalunaarutigissallugu.

*Imm. 3.* Sulisitsisoq sulisussanik innersunneqartunik itigartitsisoq angallanneqarnermut pisattallu nuunnerinut aninaasartutigineqarsimasunik utertitsilluni akiliisussaatitaavoq, sulisussanik allanik sulilersitsineq itigartitsinermut pissutaasimappat sulisitsisorlu kommunalbestyrelsimum piffissaagallartillugu suliffigeligassamut angalanerup pinngitsoortinnejqarsinnaasimagaluarneranik ilisimatitsissuteqarsimanngippat.

### *Aalajangersakkat assigiinngitsut*

**§ 10.** Naalakkersuisut nuna tamakkerlugu suliffissanik nalunaarsuivimmik pilersitsisinnaapput, suliffissanik neqeroorutit, suliffissaaleqinermik allaffissornikkut aqtsinerup aammalu kisitsisitigut paasissutissiornissat nalilersuillunilu misissueqqissaarnissat siunertalarugit tunngaviusumik paasissutissat katarsorneqarfigisinnaasaannik suliareqqinnejqarfigisinnaasaannillu.

*Imm. 2.* Naalakkersuisut imm. 1 malillugu suliffissanik nalunaarsuiffiup pilersinnejqarnissaa pillugu malittarisassanik aalajangersaasinnaapput, taamatuttaaq suliffissanik nalunaarsuiffiup atornissaanut kommunalbestyrelsip pisussaaffii pillugit malittarisassaliorsinnaallutik.

**§ 11.** Naalakkersuisut kommunini sulisunik suliffeqarnermi innersuussisarnermik il.il. sulia-qartunik ukiumoortumik pikkorissartitsisassapput.

*Imm. 2.* Naalakkersuisut communalbestyrelsintut qinersisoqareernerani tamatigut communalbestyrelsimum ilaasortanut peqqussummi matumani pineqartunik suliassaqartitaasunut pikkorissartitsisassapput.

*Imm. 3.* Imm. 1 aamma 2 naapertorlugit pikkorissartitsinernut aninaasartuutit Nunatta Karsianit kommuninillu akilerneqartassapput.

**§ 12.** Naalakkersuisut suliassaqartitsinermik siuarsaniarluni iliutsinut aamma Piareersarfinni suliniutinut tapiissuteqarsinnaapput, takukkit § 4-imi imm. 2 aamma 3. Tapiissutit annertussusissaat ukiumoortumik aningasanut inatsisini aalajangersarneqartassapput.

*Imm. 2.* Naalakkersuisut tapiissutit agguanneqartarnerinut akiliutigineqartarnerinullu maleruagassanik

aalajangersaasinjaapput.

**§ 13.** Naalakkersuisut suliffissaaleqinerup akiorneqarnissaa kiisalu suliffeqarnermi innersuussisarnerup pisariillisaavigineqarnissaa ineriertortinnejarnissaalu siunertaralugit misileraanerit pillugit malittarisassanik aalajangersaasinjaapput.

**§ 14.** Naalakkersuisut ukiumi qaangiuttumi suliffeqarnermi suliniutaasut aamma piffissami aggersumi anguniagaasut taamatuttaaq malitseqartitsinissat aallartinnejassanersut pillugit ukiumoortumik nalunaarusiortassapput.

*Naammagittaalliuuteqartarneq*

**§ 15.** Inatsit manna malillugu kommunalbestyrelsip aalajangiinerik naammagittaalliuutit sapaatit akunneri sisamat qaangiutsinnagit Naalakkersuisunut suliassanngortinnejarsinnaapput.

*Atuutilerfia*

**§ 16.** Inatsisartut inatsisaat ulloq 1. juli 2014-imi atuutilissaqq.

*Imm.* 2. Tamatumunnga peqatigitillugu Suliffeqarnermi innersuussisarneq il.il. pillugu Inatsisartut peqqussutaat nr. 10, 18. december 2003-meersoq atorunnaarsinnejassaaq.

*Imm.* 3. Malittarisassiat Inatsisartut inatsisaanni taaneqartumi imm. 2-p malitsigisaanik aalajangersarneqartut ingerlaannassapput, inatsisartut inatsisaannit matuma imaluunniit allat malitsigisaanik allangortinnejarnissanik atuukkunnaarsinnejarnissamilluunniit tungaannut.

*Namminersorlutik Oqartussat, ulloq 8. juni 2014*

Aleqa Hammond